

四庫全書

子部

欽定四庫全書

御定書畫譜卷三十一

子部

詳校官中書臣孫衡

助教臣常循覆勘

覆校官中書臣田尹衡

校對官中書臣高中

謄錄監生臣壽呂勲

欽定四庫全書

御

定佩文齋書畫譜目錄

第三十一卷

書家傳十

梁

楊凝式

羅紹威

柳應辰

荆浩

薛貽矩

厲歸真

釋大空

釋無作

釋彥修

後唐

豆盧革

李從暉

盧汝弼

烏震

丁約

梁邕

李元輔

張恭嗣

郭在微

李鶚

李夫人

晉

成知訓

閻光遠

蘇曉

漢

楊邠

王仁裕

周

馮吉

郭嶠

王獻可

朱延熙

顯德初酒狂

釋師試

吳

吳居中

方廷珪

呂子元

南唐

宋齊丘

王紹顏

李建勲

馮延巳

韓熙載

高越

徐鉉

朱鉞

楊元鼎

李蕭遠

李中

潘佑

顏誦

王文秉

應用

唐希雅

任玄能

釋應之

宮人喬氏

前蜀

韋莊

王宗壽

王鉞

任德筠

張昭肩

釋貫休

釋曇域

釋曉巖

黃崇嘏

後蜀

黃居寶

滕昌祐

胡恬

元昭嘏

張紹文

孫朋古

孫逢吉

周德政

張德昭

羅綠

馮侃

偽蜀童子

杜光庭

釋夢歸

楚

石文德

吳越

羅隱

林鼎

錢傳瑛

錢弘儀

錢弘仰

錢昭序

東漢

高君陳

劉守清

王廷譽

張徐州

孫昭祚

蘇武功

薛存貴

楊永符

欽定四庫全書

御定佩文齋書畫譜卷三十一

書家傳十

梁

楊凝式

楊凝式

米芾書史云字景度

華陰人

宣和書譜云唐昭宗時登進士第

有文詞善

筆札歷仕梁唐晉漢周致仕居洛陽

王氏法書苑云凝式以心疾致仕人

謂之楊風子

官至太子太保

五代史本傳

凝式筆跡適放師歐陽詢顏真卿加以縱逸久居洛多
遨遊佛道祠遇山水勝槩輒流連賞詠有垣墻圭缺處
顧視引筆且吟且書若與神會其號或以姓名或稱癸
巳人或稱楊虛白或稱希維居士或稱關西老農其所
題後或真或草自顏中書後一人而已

唐詩外傳

凝式自顏柳入二王楷法精絕

即博聞見前錄

余曩至洛師徧觀僧壁間楊少師書無一不造微入妙
當與吳生畫為洛中二絕見顏魯公書則知歐虞褚薛

未入右軍之室見楊少師書然後知徐沈有塵埃氣

山谷集

凝式喜作字尤工顛草筆跡雄強與顏真卿行書相上下自是當時翰墨中豪傑

宣和書譜

書學自顏真卿傳柳公權懷素鄒彤韋玩崔邈張從申以至楊少師凝式

解縉書學傳授

荆浩

荆浩字浩然河南沁水人

見畫史傳隱於太行之洪谷自號

洪谷子

五代名畫補遺

荆浩漁樂圖柳體書漁父詞數首

雲煙過眼錄

羅紹威

羅紹威字端已魏州貴鄉人好學工書知屬文聚書數萬卷開館以延四方之士仕梁拜太師兼中書令

五代

史本傳

羅紹威錢俶皆武夫驕將之子其於字畫亦有以過人

歐陽文忠公集

薛貽矩

薛貽矩字熙用河東聞喜人唐乾符中登進士第歷集賢校理翰林學士晚事梁太祖累官自僕射守司空喜弄翰墨正書得古人用筆意贈誓光草書序秀潤可觀一時學者亦鮮儷焉

宣和書譜

柳應辰

柳應辰唐末五代時人書鄂州磨崖碑徑二尺四寸筆勢清勁

洪邁容齋四筆

厲歸真

道士厲歸真

見畫家傳

畫牧牛圖後有八分書乃其筆也牛

飛畫評

釋大空

釋大空

梁開平間人

萬年寺鐘銘釋大空書

墨池編

釋無作

釋無作字不用姓司馬氏姑蘇人善草隸筆蹟遒健人

多摹寫開平中卒

釋義淨西域求法高僧傳

釋彥修

釋彥修梁乾化中人能草書

書史會要

僧彥修草書乾化時書今碑在西安府儒學

金石文字

記

僧彥修草字詩李丕緒刻之於石曰筆力遒勁得張旭

法石墨鍋筆

僧彥修與亞栖晉光齊名書法如淮陰惡少年風狂跳

浪俱非本色王氏法書苑

後唐

豆盧革

豆盧革唐舒州刺史瓚子避地中山唐莊宗建國以革
名家子召為行臺左丞相即帝位拜同中書門下平章
事

五代史本傳

豆盧革作正書雖有隱者態度然其點畫同為一律不
出五季人物風氣宣和書譜

李從曦

李從儼

馬令南唐書作從儼

深州博野人岐王茂貞子為人柔而

善書畫唐莊宗時拜鳳翔節度使歷鎮宣武天平五代

史本傳

盧汝弼

盧汝弼范陽人

宣和書譜云字子誥登進士第

李克用時為副使工書

畫唐莊宗嗣位承制封拜官爵皆出汝弼

五代史本傳

汝弼留意書翰作正書取法有歸當五季士風凋弊以字畫名家者尤少汝弼能力振所學誠不易得官至祠

部郎中知制誥贈兵部尚書

宣和書譜

烏震

烏震冀州信都人唐莊宗時拜刺史歷深趙二州少好學通左氏春秋喜作詩善書明宗擢拜河北道副招討使領寧國軍節度使

五代史本傳

丁約

丁約

莊宗時人

伯夷叔齊碑在蒲州首陽山二賢廟中後唐

同光元年護國軍節度押衙丁約建立廟宇題字

金石

文字記

梁邕

梁邕

莊宗時人

李存進碑呂夢奇撰梁邕楷書并篆額同光

二年立碑在太原

金石表

李元輔

李元輔

莊宗時人

黃庭堅跋繆篆後云同光二年李元輔書

元輔不甚知名蓋翰林書藝之流

山谷集

張恭嗣

郭在微

張恭嗣郭在微

並明宗時人

後唐尚父吳越國公謚武肅神

道碑楊凝式撰翰林待詔張恭嗣行書郭在微篆額長

興五年正月立

廖瑜杭州府志碑碣目

李鶚

李鶚

一作郭

五代時仕為國子丞九經印板多其所書筆

法蓋出歐陽率更然窘於法度而韻不能高非名書也

金石錄

後唐汾陽王真堂記清泰三年李悅撰李鶚書

同上

五代時以揮翰馳名於當世者王文東之小篆李鶚郭忠恕之楷法楊凝式之行草

歐陽文忠公集

李夫人

李夫人西蜀名家後唐郭崇韜伐蜀得之夫人以崇韜武弁常鬱悒不樂善屬文尤工書畫

書史會要

晉

成知訓

成知訓

高祖時人

建雄節度使相里金碑李象撰成知訓正

書天福五年十月 金石文字記

閻光遠

閻光遠

高祖時人

駙馬都尉史匡翰碑陶穀撰閻光遠行書

天福八年立在太原

金石表

蘇曉

蘇曉

出帝時人

開化寺瑤嚴閣記蘇禹珪撰蘇曉行書開運

二年立在太原縣

金石表

漢

楊邠

楊邠魏州冠氏人少為州掌籍吏事漢高祖官至樞密使隱帝即位加中書侍郎平章事邠長於吏事末年留意縉紳延客門下知經史有用乃課吏傳寫至其作正書雖不能造鍾王之藩翰然氣格超邁粗有可觀

宣和

書譜

王仁裕

王仁裕字德輦天水人事蜀為翰林學士唐莊宗平蜀

仁裕事唐漢高祖時為兵部尚書太子少保喜為詩少
嘗夢剖其腸胃以西江水滌之顧見江中沙石皆為篆
籀之文由是文思益進

五代史本傳

仁裕翰墨雖無聞於時觀其送張禹偁詩正書清勁自
成一家

宣和書譜

周

馮吉

馮吉字惟一河南洛陽人

陶宗儀云太師中書令道子

周顯德中太

常寺少卿嗜屬文工草隸

宋史本傳

郭嶠

郭嶠

太祖時人

洪邁云予家有舊監本周禮其末云大周廣

順三年癸丑五月雕造九經書畢前鄉貢三禮郭嶠書
容齋續筆

王獻可

王獻可

世宗時人

後周龍泉禪院記徐綸撰王獻可後序并

正書顯德二年立在陽城縣

金石表

朱延熙

朱延熙

世宗時人

洪邁云予家有舊監本經典釋文末云顯

德六年己未三月太廟室長朱延熙書此書字畫端嚴

有楷法

容齋續筆

顯德初酒狂

顯德初酒狂陶穀家逸少帖後有其題字

東觀餘論

釋師試

釋師試

世宗時人

後周龍泉禪院記僧師試篆額顯德三年

立金石表

吳

吳居中

吳居中楊吳荊江京漢將軍也鄂州磨崖碑大字八十五凡九行其文曰乾正元年大吳將軍出陳武昌詔太守楊公出鎮後云荊江京漢推忠輔國侍衛將軍吳居中記容齋四筆

方廷珪

方廷珪楊吳武義間書饒州浮梁縣鐘銘

書史會要

呂子元

道士呂子元楊吳太和三年書王栖霞所撰靈寶院記

并篆額

書史會要

南唐

宋齊丘

宋齊丘豫章人好學有大志烈祖為昇州刺史奇其才以國士待之本字超回改字子嵩烈祖建國以齊丘為

左丞相遷司空卒謚繆醜齊丘為文有天才自以古今獨步書札亦自矜銜而嗤鄙歐虞之徒

馬令南唐書

王紹顏

王紹顏

與宋齊丘同時

齊丘陪烈祖登金陵城中鳳凰臺詩石

刻王紹顏奉勅書

戚光南唐書注

李建勲

李建勲字致堯廣陵人南平王德誠子烈祖鎮金陵預禪代之計拜中書侍郎平章事元宗即位拜司空以司

徒致仕賜號鍾山公博覽經史詩清淡平易見稱於時

馬令南唐書

李建勲送八分書與友人詩云跢跢為詩跢跢書不封
將去寄仙都仙翁拍手應相笑得似秦朝次仲無書苑

菁華

馮延巳

馮延巳字正中廣陵人有辭學多伎藝烈祖以為祕書

郎元宗即位累官中書侍郎平章事

馬令南唐書

延巳工書遠勝宋齊丘齊丘謂曰子書往往似虞世南
馬令南唐書宋齊丘傳

韓熙載

韓熙載字叔言北海人弱冠擢進士第烈祖受禪除祕
書郎遷兵部尚書謚文靖才高氣逸善談論聽者忘倦
分書及畫名重當時見者以為神仙中人馬令南唐書
楊凝式傳於韓熙載徐鉉兄弟解縉書學傳授

高越

高越燕人舉進士文價藹然南歸烈祖終禮部侍郎與
江文蔚俱以詞賦知名江南士人言體物者以江高為
稱首鄭文寶南唐近事

李順公碑高越書在石子岡下

江寧府志

徐鍇

徐鍇字楚金揚州廣陵人與兄鉉同有大名於江左第
進士累遷屯田郎中知制誥集賢殿學士

陸游南唐書

鍇四歲而孤母方教鉉未暇及能自知書李景見其文

以為祕書省正字錯善小學嘗以許慎說文依四聲譜
次為十卷目曰說文解字韻譜鉉親為之篆鏤板行世
宋史徐鉉傳

鉉錯兄弟工染翰崇飾書具嘗出一月團墨云值價三

萬南唐拾遺記

南唐紫極宮石磬銘徐錯撰并小篆書金石錄

朱鉉

朱鉉南唐人蔣莊武帝廟碑徐鉉撰朱鉉書在蔣廟門

外張懿公神道碑亦銑書于奕正天下金石志

楊元鼎

楊元鼎

南唐人書史會要云官廩部郎中

茅山紫陽觀碑徐鉉撰楊

元鼎書并篆額

天下金石志

李蕭遠

李蕭遠

南唐人

鍾陵清涼寺有元宗八分題名蕭遠草書

董羽畫海水為三絕

名畫評

李中

李中字有中隴西人淦陽宰

按晁公武郡齋讀書志云南唐李有中有贈韓熙載

張洎徐鉉詩或作唐人誤

五七言兼六言二百篇目曰碧雲集

孟賓

于碧雲集序

唐懷素草帖有李中書長深字

墨池編

潘佑

潘佑散騎常侍處常子文章瞻逸敏於議論以祕書省

正字釋褐後主即位遷虞部員外郎改知制誥

馬令南

唐書

潘佑行書草帖筆跡奕奕超拔流俗有東晉之遺風宣

和書譜

顏詡

顏詡魯郡公真卿後唐末徙居木川雅辭翰謹禮法子
弟有與賓客戲者未嘗面責手寫韋曜博奕論署於屋
壁使之自媿馬令南唐書

王文秉

王文秉江南人篆書遠過徐鉉而鉉以文學名重當時

文東人罕知者文東筆甚精勁小篆千字文題云大唐
庚申歲者建隆元年也紫陽石磬銘張獻撰亦文東書
集古錄

南唐王文東工小篆自號王逸老欲與逸少相抗紫桃
軒又綴

應用

應用江南人以書法名善寫細字微如毛髮常於一錢
上寫心經又於一粒麻上寫國泰民安四字龍象江南

野史

唐希雅

唐希雅嘉興人

見畫家傳

李煜好金索書希雅嘗學之

名畫

評

任玄能

道士任玄能南唐人能篆

書史會要

釋應之

釋應之姓王其先閩人能文章習柳氏筆法以善書冠

江左初舉進士一點於有司遂學為浮屠保大中授文章應制大德賜紫元宗喜楞嚴經勅應之書鏤版既成上之元宗曰是深得公權之法者也吾聞公權嘗以筆諫穆宗為之改容今效其法尚可想見其風采應之書名益振遷右街僧錄馬令南唐書

應之江表名僧能文章善楷隸南唐昇元保大間為內供奉中主後主書體與之相類當時碑刻多其寫者至今盡存惟江寧府保寧寺四注金剛經兼備衆體尤為

精筆 蘇魏公集

應之作行書以文絹寫進士沈崧曲直不相入賦頗有

氣骨 宣和書譜

宮人喬氏

李後主手書金字心經一卷賜其宮人喬氏喬氏後入
太宗禁中聞後主薨自內廷出其經捨在相國寺西塔
以資薦且自書於後曰故李氏國主宮人喬氏伏遇國
主百日謹捨昔時賜妾所書般若心經一卷在相國寺

西塔院伏願彌勒尊前持一花而見佛云云其後江南僧持歸故國置之天禧寺塔相輪中寺後失火相輪自火中墮落而經不損為金陵守王君玉所得君玉卒子孫不能保之以歸甯鳳子儀家喬氏所書在經後字極整潔而詞甚悽惋所記止此徐鍇集南唐制誥有宮人喬氏出家告豈斯人也 王銍默記

前蜀

韋莊

韋莊字端已杜陵人見素之後王建辟為掌書記後相
建為平章事

全唐詩話

韋莊在當時以作字名於世但今所見者少觀借書諸
帖有行書法非潛心於古而一意文詞翰墨間未易至
此也

宣和書譜

王宗壽

王宗壽

字永年

許州民家子也建以同姓錄之為子工琴

弈事建為鎮江節度使衍立為太子太保唐明宗以為

保義軍行軍司馬

五代史前蜀世家

宗壽能文與能仁院僧外書札二十餘帙墨蹟多貯沖

妙觀中

十國春秋

王鐔

王鐔字鱸祥唐天復時奉使西川因留蜀官翰林學士

武成二年除中書侍郎同平章事唐師入成都鐔至洛

陽授以州刺史

十國春秋

前蜀王氏朝偽相王鐔家藏書二千卷一一皆親蹟并

寫藏經每趨朝於白藤檐子內寫書書法尤謹近代書字之淫者也 金壺記

任德筠

任德筠前蜀人本業寺碑僧契撫撰東山任德筠書乾

德五年立

周暉吉金陵瑣事

張昭胤

道士張昭胤前蜀人學柳公權書甚精 書史會要

釋貫休

釋貫休姓姜氏字德隱婺州蘭溪人

見畫家傳

工篆隸初在

荊州成中令問其筆法曰此事須登壇而授詎可草草

言之成怒遽放黔中入蜀王建遇之厚

唐詩紀事

休公有詩集行於世兼善書謂之姜體以其俗姓姜也

圖畫見聞志

貫休善草書時人比諸懷素

益州名畫錄

釋曇域

釋曇域前蜀人

高僧傳云貫休弟子景煥野人閑話云申天師門人

工小篆學李

陽冰

書史會要

釋曉巒

釋曉巒

一作楚巒

前蜀人工草聖學張芝

書史會要

曉巒草書得張旭筆意與曇域並稱

十國春秋

黃崇嘏

黃崇嘏臨邛人周庠知邛州崇嘏上詩稱鄉貢進士年

三十許祇對詳敏復獻長歌庠益奇之召與諸生姪同

遊善琴弈妙書畫翼日薦攝府司戶參軍胥吏畏服案

牘一清庠美其風采欲以女妻之崇嘏袖封狀謝仍貢
詩曰幕府若容為坦腹願天速變作男兒庠覽詩驚駭
召見詰問故黃使君女也乞罷歸臨邛不知所終玉溪
編事

後蜀

黃居寶

黃居寶字辭玉成都人待詔奎次子

見畫家傳

官水部員外

以八分書知名

書史會要

唐張素卿作十二真人像太傅安思謙因蜀王氏誕辰獻之命翰林學士歐陽炯作讚翰林待詔黃居寶八分書題之益州名畫錄

滕昌祐

滕昌祐字勝華吳人

見畫史

攻書人號滕書大聖慈寺文

殊閣普賢閣蕭相院方丈院多利心院藥師院天花瑞

像數額並昌祐筆

益州名畫錄

昌祐善書大字

圖畫見聞志

胡恬

胡恬卜居於岳州湘陰縣白鶴觀父為晏州刺史恬獨
好道陰陽緯候星歷推步鑪火飛白之事彭素道易占
術篆隸詞賦皆曲盡其能景福年於安州遇上蔡人馬
處謙賣卜憫其瞽疾致孝因挈入山諸侯辟召皆不能
致後仕蜀為少將作檢校僕射杜光庭錄異記

元昭嘏

元昭嘏工部員外郎倣韓擇木八分書昭嘏乃杜光庭

門人耿煥野人閑話

張紹文

張紹文

陶宗儀作昭文

廣政十四年成都石本諸經毛詩儀禮

禮記皆秘書省秘書郎張紹文書

容齋續筆

孫朋古

孫朋古

陶宗儀作朋吉

成都石本周禮秘書省校書郎孫朋古

書

容齋續筆

孫逢吉

孫逢吉成都人母昭裔性好藏書在成都令門人勾中正孫逢吉書文選初學記白氏六帖鏤版至中朝行於

世 宋史西蜀世家

成都石本周易國子博士孫逢吉書 容齋續筆

周德政

周德政 陶宗儀作德貞成都石本尚書校書郎周德政書 容齋

續筆

張德昭

張德昭

陶宗儀作德釗

成都石本爾雅簡州平泉令張德昭書

容齋續筆

羅綠

羅綠官武軍巡官工篆

書史會要

馮侃

馮侃偽蜀士人能書得二王之法然而以二指拍筆管而書凡故筆必二爪跡可深二三分斯書札之異者也

墨池編

偽蜀童子

偽蜀有童子某者能書孟氏召入甚佳其穎悟錫之衣

服及墨一九 墨池編

杜光庭

道士杜光庭字賓聖道號東瀛子括蒼人喜讀經史工
詞章翰墨之學懿宗設萬言科光庭試不中棄儒衣冠
入道僖宗臨御光庭充麟德殿文章應制喜自錄所為
詩文而字皆楷書人爭得之入蜀以方術事孟昶進為

光祿大夫尚書戶部侍郎廣成先生上柱國蔡國公宣

和書譜

杜光庭寓滇嘗書蒙國大詔碑精妙有法

謝肇淛滇錄

釋夢歸

釋夢歸孟蜀時人匡山處士景煥與翰林學士歐陽炯
聯騎遊成都應天寺觀孫位畫左壁天王煥遂畫右壁
天王以對之渤海歎重為長歌以美之繼有草書僧夢
歸後至因請書於廊壁書畫歌行一日而就成都人號

為應天三絕圖畫見聞志

楚

石文德

石文德連州人博覽經史經目不忘素不善草隸詩律
一日得晉帖數紙及閱殷璠詩選摹倣久之迥出儔輩

十國春秋

吳越

羅隱

羅隱字昭諫餘杭人唐乾符中舉進士不第錢鏐辟掌書記歷節度判官副使奏授司勳郎中梁祖以諫議大夫召不行魏博羅紹威推為叔父表薦給事中卒作詩自號江東生

晁公武郡齋讀書志

隱雖不以書顯名作行書猶有唐人典刑觀其羅城記藁諸帖畧無季世衰弱之習

宣和書譜

唐梅先生碑羅隱隸書

天下金石志

林鼎

林鼎慈溪人善屬文能書得歐虞法所聚圖書悉手鈔
仕吳越自鎮海軍節度判官累遷至丞相謚貞獻張時
微寧波志

錢傳瑛

錢傳瑛武肅王第三子

長子

初名傳鏐天性英敏頗敦

儒學聚書數千卷工草隸封雲國公十國春秋

錢弘儀

錢弘儀文穆王元瓘第十一子工草書善弈碁皆及上

品十國春秋

錢弘仰

錢弘仰文穆王第十三子通儒術尤精書法累官台州刺史顯德五年卒謚成顯

十國春秋

錢昭序

錢昭序字著明台州刺史仰子好學喜聚書書多親寫宋史吳越世家

東漢

高君陳

高君陳

劉承鈞時人

李克用題名在北嶽廟中其下小字云

天會十二年尚書都官員外郎知曲陽縣事高君陳摹

刊金石文字記

劉守清 王廷譽

劉守清 王廷譽

俱劉繼元時人

天龍寺千佛樓碑李惲撰劉守

清行書王廷譽篆額廣運二年立在太原縣

金石表

張徐州

已下未詳時代

張徐州者失其名官徐州故以為稱業儒學喜翰墨志趣曠達作行書亦自不凡筆力清勁勢若削玉

宣和書譜

孫昭祚

孫昭祚亡其系中書堂吏也習翰墨尤長歐陽詢行書法嘗用其體書千文傳於世

宣和書譜

蘇武功

蘇武功莒人以官稱工篆端勁方穩矩模李陽冰

書史

會要

薛存貴

薛存貴史失其傳喜作草書有晉宋間風度所書雖出於一手而變態百出或妍或醜其溫潤足繩墨處便類獻之而剛勁乏斌媚處則李煜金錯刀之儔侶也宣和書譜

楊永符

楊永符五代人能草書自號手怒紫桃軒又綴



御定佩文齋書譜卷三十一

欽定四庫全書

御定書畫譜卷三十二

子部

詳校官中書

臣孫衡

助教

臣常循覆勘

覆校官中書

臣田尹衡

校對官中書

臣高中

謄錄監生

臣馮國柄

欽定四庫全書

御

定佩文齋書畫譜目錄

第二十二卷

書家傳十一

宋

趙普

徐鉉

張鑄

書

曹彬

陶穀

盧斌

郭廷謂

郭從義

崔頌

吳元輔

韓浦

吳淑

吳遵路

范宗傑

劉溫叟

宗翼

駱文蔚

王正已

皇甫儼

來正已

尹熙古

張仁愿

孫崇望

孫思皓

錢儼

李建中

秦玠

李宗易

蘇易簡

蘇耆

張齊賢

楊億

劉筠

姚鉉

宋貽序

趙鎔

李穆

趙安仁

鄭文寶

李宗訥

李宗諤

李居簡

句中正

句希仲

王著

葛湍

王惟恭

郭忠恕

錢惟治

錢惟演

錢易

錢昆

錢昱

李無惑

高紳

申草

張秉

孫景璠

許自言

張振

白崇矩

何潤之

邢守元

黃識

章得象

向敏中

畢士安

陳堯佐

陳堯叟

陳堯咨

魯宗道

宋湜

晁迥

蔣堂

查道

薛映

李行簡

王嗣宗

陳靖

周起

周越

周延雋

石延年

錢熙

梁鼎

趙德鈞

趙惟和

种放

林逋

曹汝弼

彭太素

趙宗萬

張維

郭咸

朱巖

沈文旭

劉太初

鄭世卿

白憲

吳郢

楊昭度

盧經

杜衍

晏殊

宋綬

韓琦

范仲淹

富弼

王曾

呂夷簡

文彥博

王舉正

龐籍

楊畋

陳執中

薛奎

賈昌朝

歐陽脩

包拯

宋庠

宋祁

葉清臣

王隨

胡宿

張觀

劉居正

王礪

王洙

王堯臣

石介

胡瑗

邵餗

邵必

唐異

胡恢

邵雍

蘇舜欽

蘇舜元

陸經

錢明逸

江休復

梅堯臣

蘇洵

雷簡夫

唐詢

唐詔

陳漢卿

張先

刁約

張汝士

王顧

薛良孺

章友直

楊南仲

張次立

元居中

范文度

趙世融

司馬尋

高繼宣

凌叔華

黃茂先

段少連

杜叔元

董儲

張伯玉

慎東美

李唐卿

黃公孝

仲翼

孟應之

趙克繼

趙克已

趙叔韶

趙克修

趙宗望

李端懿

李瑋

顏褒

于正封

徐易

張中樂

錢貽範

蔡仍

許歸

雷憲

黃通

夏竦

欽定四庫全書

御定佩文齋書畫譜卷三十二

書家傳十一

宋一

趙普

趙普字則平幽州薊人徙河南洛陽太祖受禪以佐命功授諫議大夫充樞密直學士乾德中為門下侍郎平章事集賢殿大學士加右僕射淳化中封魏國公謚忠

獻真宗追封韓王

宋史本傳

忠獻王家問指撝審細字畫謹嚴

東觀餘論

曹彬

曹彬字國華真定靈壽人乾德初神武將軍拜樞密使

檢校太尉忠武軍節度使太宗即位同平章事封魯國

公謚武惠贈韓王

宋史本傳

顏魯公送裴將軍詩跋尾曹武惠王書筆意可觀

弇州

山人藁

徐鉉

徐鉉字鼎臣揚州廣陵人十歲能屬文仕南唐李昇父子隨李煜入覲太祖命為率更令太平興國初直學士院從征太原軍中書詔填委鉉援筆無滯遷左散騎常侍鉉精小學好李氏小篆臻其妙隸書亦工嘗受詔與句中正葛湍王惟恭等同校說文

宋史本傳

鉉與弟鍇皆能八分小篆在江南以文翰知名號二徐

歐陽文忠公傳

徐鉉精於字學蓋自陽冰之後篆法中絕而鉉於危亂之間能存其法歸遇真主字學復興其為功豈淺哉初雖患骨力歉陽冰然其精熟奇絕點畫皆有法及入朝見嶧山摹本自謂得師於天人之際搜求舊迹焚擲略盡較其所得可以及妙

墨池編

鉉深得小篆法有篆千文刻石南昌

趙希鵠洞天清錄

陶穀

陶穀字秀實邠州新平人本姓唐避晉祖諱改焉起家

校書郎宋初為禮部尚書翰林承旨強記嗜學博通經史諸子佛老咸所總覽多蓄法書名畫善隸書

宋史本傳

張鑄

張鑄字司化河南洛陽人梁貞明三年舉進士歷仕後唐晉周官至秘書監判光祿寺宋初加檢校刑部尚書美姿儀善筆札老能燈下細書如蠅頭由晉以來天地宗廟及上徽號封拜王公冊文皆詔鑄書之

宋史本傳

盧斌

盧斌開封人以筆札事晉郎太祖即位補殿直累官左

僕射

宋史本傳

郭廷謂

郭廷謂字信臣徐州彭城人幼好學工書善騎射宋初從征上黨歷官靜江軍節度觀察留後

宋史本傳

郭從義

郭從義其先沙陀部人開寶中左金吾衛上將軍拜太

子太師性重厚有謀略多技藝尤善飛白書

宋史本傳

崔頌

崔頌字敦美河南偃師人周恭帝時諫議大夫宋初判國子監攝太僕好詠諧善筆札時稱道麗

宋史本傳

吳元輔

吳元輔字正臣太原人雄武軍節度使延祚子好學善筆札宋初授左驍衛將軍澶州巡檢累官至定州鈐轄

宋史本傳

韓浦

韓浦京兆長安人周顯德初舉進士開寶中歷司門郎中博學善持論詳練臺閣故事尤善筆札人多藏其尺

牘

宋史本傳

吳淑

吳淑字正儀潤州丹陽人吳太子中允文正子幼俊爽以校書郎直內史歸朝試學士院大理評事至道二年遷職方員外郎善筆札好篆籀撰說文互義三卷

宋史

本傳

吳遵路

吳遵路字安道淑子第進士官殿中丞章獻太后稱制
條奏切直出知常州召修起居注除天章閣待制遷龍
圖閣直學士幼聰敏博學知大體寡言笑善筆札

宋史

本傳

江南李主及二徐傳二王撥鐙筆法中朝士人吳遵路

待詔尹希古悉得之

王銖王氏談錄

范宗傑

范宗傑傳撥鐙筆法於吳遵路

王氏談錄

劉溫叟

劉溫叟字永齡河南洛陽人七歲能屬文善楷隸建隆

中拜御史中丞

宋史本傳

宗翼

宗翼蔡州上蔡人好學彊記經史一見即能默寫

劉光國上

蔡志云善為文隱而不仕

歐陽虞柳書皆得其楷法

宋史戚同文傳

駱文蔚

駱文蔚

太祖時人

重修中嶽廟記乾德二年鄉貢進士駱文

蔚撰并書瘦樸有骨略似歐陽率更

嵩陽石刻記

王正已

王正已

太祖時人

嵩山會善寺重修佛殿碑開寶五年前攝

大理評事王正已書

嵩陽石刻記

皇甫儼

皇甫儼

太祖時人

宋篆書千字文序陶穀撰皇甫儼書

天下

金石志

僧夢英篆書千字文序書出皇甫儼手可謂升率更之

堂

石墨鐫華

袁正巳

袁正巳汝南人善書

書史會要

宋摩利支天經并陰符經書者汝南袁正巳習歐陽率

更法隸書方勁非嘉祐後人所及

石墨鐫華

尹熙古

尹熙古

一作希古

官翰林待詔工篆得撥鐙法所書為一時

之絕

書史會要

宋真宗東封碑頌天貺殿碑天齊仁聖帝碑皆待詔尹

熙古書書法類聖教序

任弘烈泰安州志

張仁愿

張仁愿太祖時待詔宋修唐憲宗廟碑張仁愿書

石墨

錫華

孫崇望

孫崇望開寶時待詔修周康王廟碑黃遜浮撰孫崇望

行書

石墨錫華

崇望運筆圓熟乃吳通微院體之遺

弇州山人藁

衛州刺史郭公屏盜碑杜韡撰孫崇望正書

金石文字

記

孫思皓

孫思皓國初孫妃弟學歐本朝無人過也

米芾書史

錢儼

錢儼字智仁文穆王元瓘子建隆初領彰武節度書畫
皆入能品 書史會要

李建中

李建中字得中其先京兆人祖稠避地入蜀建中幼好
學太平興國八年進士甲科景德中進金部員外郎性
簡靜恬於榮利前後三求掌西京留司御史臺愛洛中
風土就構園池號曰靜居好吟咏每遊山水多留題自
稱巖夫民伯加工部郎中善書札行筆尤工多構新體

草隸篆籀八分亦妙人多摹習爭取以為楷法嘗手寫

郭忠恕汗簡集皆科斗文字有詔嘉獎

宋史本傳

建中恬於進取求掌西京留司御史至今謂之李西臺

草隸篆籀八分皆工真行尤精

墨池編

李西臺書學張從申

陳師道後山叢談

李建中善古文八分行書嘗得古文孝經研翫臨學遂

盡其勢

王氏法書苑

秦玠 李宗易

秦玠官兵部李宗易官祠部皆學於西臺各有師法

後

山叢談

蘇易簡

蘇易簡字太簡梓州銅山人少聰悟好學風度奇秀才
思敏膽太平興國五年舉進士擢冠甲科充翰林學士
遷給事中參知政事雅善筆札著文房四譜續翰林志
宋史本傳

蘇許公書無愧楊法華

洞天清錄

蘇耆

蘇耆易簡子

米芾書史曰字國老

為工部郎中直集賢院

宋史本

傳

王內史二帖上有蘇耆題字

米芾書史

張齊賢

張齊賢曹州冤句人字師亮太祖幸西都齊賢以布衣獻策馬前太祖還語太宗曰張齊賢異時可輔汝為相也擢進士通判衡州淳化二年參知政事數月同中書

門下平章事真宗即位拜右僕射謚文定

宋史本傳

張文定擅豪翰其蹟雜見羣玉堂法帖中

書史會要

楊億

楊億字大年建州浦城人七歲能屬文雍熙初年十一

太宗聞其名詔送闕下即授秘書省正字特賜袍笏景

德三年為翰林學士天性穎悟自幼及終不離翰墨善

細字起草一幅數千言不加點竄

宋史本傳

楊文公善小楷

書史會要

劉筠

劉筠字子儀大名人舉進士為館陶縣尉還會詔知制誥楊億試選人校太清樓書擢筠第一累官龍圖閣直

學士

宋史本傳

劉子儀好學有文善筆札

書史會要

姚鉉

姚鉉字寶之廬州合肥人太平興國八年進士甲科淳化五年直史館歷右正言右司諫河東轉運使加起居

舍人文詞敏麗善筆札

宋史本傳

宋貽序

宋貽序幽州薊人

琪子

為贊善大夫嘗預修冊府元龜筆

札遒勁官至殿中丞

宋史宋琪傳

趙鎔

趙鎔字化鈞滄州樂陵人事太宗於藩邸即位補東頭供奉官累遷宣徽院使同知樞密事少涉獵文史美書

翰多蓄古書畫

宋史本傳

李穆

李穆字孟雍開封府武陽人幼能屬文有至行周顯德初以進士為郢汝二州從事太平興國中拜左諫議大夫參知政事善篆隸文工畫

宋史本傳

趙安仁

趙安仁字樂道河南洛陽人幼時執筆能大字雍熙二年登進士第補梓州權鹽院判官會國子監刻五經正義板本以安仁善楷書遂奏留書之直集賢院王侯內

戚家多以銘誄為託歷官御史中丞謚文定

宋史本傳

梁景不善書每起草必用蜀牋趙安仁善書必用舊紙

人號二背

滕康翰墨叢記

鄭文寶

鄭文寶字仲賢太平興國八年登進士第累官兵部員

外郎能為詩善篆書工鼓琴

宋史本傳

鄭仲賢師徐騎省鉉小篆嘗篆千文以示鉉其字學不

出一中指之甲騎省嘗曰篆難於小而易於大鄭子小

篆李陽冰不及若大篆可兼爾

釋文瑩續湘山野錄

李宗訥

李宗訥字大辨深州饒陽人司徒文正公昉子以蔭補太廟齋郎吏部擬授秘書省正字上命擢國子監丞蓋上居藩邸時每有篇詠令昉屬和前後數百章皆宗訥繕寫上愛其楷麗問知為宗訥所書故有是命後累遷至比部郎中

宋史本傳

李宗諤

李宗諤字昌武宗訥弟由鄉舉第進士授校書郎景德
中為翰林學士遷諫議大夫風流儒雅工隸書

宋史本

傳

昌武筆畫遒峻蓋欲自成一家

歐陽文忠公集

本朝公卿悉學鍾王至李宗諤主文既久士子始皆學
其書肥樸朴拙以投其好用取科第自是惟趨時貴書

矣

米芾書史

李居簡

李居簡善草太宗甚愛之以贊善大夫直御書院是時
禁林詔命筆體丕變粲然可觀遠追唐室

墨池編

句中正

句中正字坦然

米芾書史云字德元

益州華陽人孟昶時舉進士

及第精於字學古文篆隸行草無不工太平興國二年
獻八體書召授著作佐郎詳定篇韻與徐鉉重校定說
文模印頒行太宗神主及獻寶篆文皆詔中正書之嘗
以大小篆八分三體書孝經摹石咸平三年表上之真

宗召見便殿賜金紫

宋史本傳

句希仲

句希仲字衮臣

宋史句中正傳云希仲中正子

景德六年以開封浚儀

進士起家其後除於中書分司西京通訓詁工篆隸書

能傳其父學

王安石臨川集

王著

王著字知微唐相方慶之後偽蜀明經及第赴闕授隆平主簿善攻書筆迹甚媚頗有家法太宗委以詳定篇

韻孫逢吉職官分記云太宗以字書爲外欲令刪定名著入授衛尉寺丞史館祗應詳定急就章遂爲侍書

嘗令中使王仁睿持御札示著著曰未盡善也太宗臨學益勤又以示著著對如前仁睿詰其故著曰帝王始攻書或驟稱善則不復留心矣久之復以示著著曰功已至矣非臣所能及端拱初加殿中侍御史

宋史本傳

太宗購古今書使王著辨精簡定爲法帖十卷

東觀餘

論

葛端

葛湍江東人為侍書善篆

書史會要

呂文仲充翰林侍讀寓直御書院與侍書王著更宿時
書學葛湍亦直禁中太宗暇日每從容問文仲以書史
著以筆法湍以字學

宋史呂文仲傳

王惟恭

王惟恭工篆嘗與徐鉉等校定說文

書史會要

郭忠恕

郭忠恕字恕先河南洛陽人

見畫家傳

七歲能誦書屬文舉

童子及第尤工篆籀周廣順中召為宗正丞兼國子書學博士太宗即位授國子監主簿令刊定歷代字書著

佩觿集三卷

宋史本傳

郭忠恕富有文學尤工篆隸嘗有人於龍山得鳥跡篆

忠恕一見輒誦如宿習

陶岳五代史補

郭忠恕世人但知小篆而不知其楷法尤精

歐陽文忠

公集

忠恕有小字說文字源行於世

墨池編

漢重修高祖廟碑郭忠恕八分書字畫頗軟弱余家有忠恕八分懷嵩樓記墨蹟乃其暮年所書筆力老勁非此碑之比

金石錄

宋三體陰符經郭忠恕書忠恕篆法匹徐鉉而詭英公正書有信本皇甫碑法又工小楷

石墨錦華

錢惟治

錢惟治字和世廢王侁長子幼好讀書乾德四年授寧遠軍節度太宗嗣位進檢校太尉善草隸尤好二王書

嘗曰心能御手手能御筆則法在其中矣家藏書帖圖書甚衆太宗謂近臣曰錢俶兒姪多工草書因命翰林書學賀正顯詣其第徧取視之曰諸錢皆效浙僧亞栖之迹故筆力軟弱獨惟治為工耳惟治嘗以鍾繇王羲之唐玄宗墨蹟凡七軸為獻優詔褒答惟治書迹多為人藏秘晚年雖病廢猶或揮翰真宗嘗語惟演曰朕知惟治工書然以疾不欲遣使往取為求數幅進來翌日寫聖製詩數十章以獻賜白金千兩

宋史吳越世家

錢惟演

錢惟演字希聖吳越王俶之子也博學能文辭召試學士院以笏起草立就真宗稱善累官平章事崇信軍節度使謚曰思改謚曰文僖於書無所不讀家儲文籍侔秘府著金坡遺事飛白書敘錄

宋史本傳

錢文僖書帖平平

書史會要

錢易

錢易字希白嗣吳越王侑子年十七舉進士試崇政殿

三篇日未中而就累遷左司郎中翰林學士才學瞻敏
過人又善尋尺大書行草

宋史本傳

希白作字自有江左風味故長沙法帖比淳化待詔所

摹為勝

東坡集

世有絳帖潭帖臨江帖三書惟潭帖為勝以錢希白所
臨本也希白於字畫得佳處故於二王書尤邃

宋高宗

翰墨志

錢希白字奇古可喜

陸游渭南集

錢昆

錢昆字裕之易兄舉進士能詩善草隸書累官右諫議

大夫祕書監

宋史本傳

錢裕之善草隸都近李西臺但未老耳

樓鑰攻媿集

錢昱

錢昱字就之忠獻王佐長子秀州刺史從倅入朝授白

州刺史改祕書監嘗以鍾王墨迹八卷為獻有詔褒美

至道中為郢中國練使善筆札工尺牘太祖嘗取觀賞

之賜御書金花扇及急就章

宋史吳越世家

李無惑

李無惑同安人善小篆為翰林待詔蓋斯公陽冰之後
未見其比其勁健端好又過於陽冰士大夫家藏之以
為寶

江少虞皇朝事實類苑

高紳 申革

高紳申革皆江東人

與李無惑同時

善篆

皇朝事實類苑

張秉

張秉字孟節太平興國中試進士儀狀豐麗屬辭敏速
美書翰太宗嘉之擢置第二累官樞密直學士知并州
羅願新安志

孫景璫

孫景璫杭州水軍篆千字文為五十餘體太平興國八
年以獻太宗善之詔取去黥文隸御書院宰相宋琪請
授以官秩太宗曰爵祿非所惜也顧此人面痕尚在豈
稱冠帶乎琪固言之乃授國子書學博士

陳善杭州志

許自言

許自言

太宗時人

太宗留心筆札即位之後募求許自言於

公車

楊億談苑

張振

張振

太宗時人

太平興國宮碑徐常侍文張振書

石墨鐫華

白崇矩

白崇矩

太宗時人

宋修夫子廟碑太平興國八年呂蒙正撰

白崇矩書

天下金石志

何潤之

何潤之

太宗時人

華嚴寺文殊閣碑英公為記何潤之書石

墨鐫華

邢守元

邢守元

太宗時人

宋北嶽安天聖帝碑陳彭年撰邢守元書

天下金石志

黃識

黃識

太宗時人

宋重修南嶽司天王碑翰林學士蘇易簡奉

勅撰待詔黃識篆碑陰有楷書

陳田夫南嶽總勝集

章得象

章得象字希言家浦城好學美姿表進士及第為大理評事真宗東封泰山以殿中丞簽書兗州觀察判官累遷中書門下平章事集賢殿大學士慶歷五年封鄆國公謚文憲皇祐中改謚文簡

宋史本傳

章文簡公楷法尤妙足以見前人篤實謹厚之餘風也

東坡集

向敏中

向敏中字常之開封人太平興國五年進士咸平初兵部侍郎參知政事四年同平章事充集賢殿大學士兼

秘書監

宋史本傳

敏中工筆札其蹟雜見曾宏父鳳墅續法帖中

書史會

要

畢士安

畢士安字仁叟代州雲中人乾德四年舉進士邠帥楊

延璋辟幕府掌書奏真宗登位拜工部侍郎樞密直學士景德初拜平章事謚文簡美風采善談吐年耆目眊讀書不輟手自讎校或親繕寫又精意詞翰

宋史本傳

王禹偁謫官解梁收得令狐補闕毛詩音義乃會昌三年所寫數行殘缺後人添之其筆迹乃工部畢侍郎所補也因作詩云偶收毛鄭古詩義認得歐虞舊筆蹤小

畜集

淳化祖石帖後有畢丞相士安黃字書子孫保享等語

百餘字

淳化帖跋

陳堯佐

陳堯佐字希元閬州閬中人進士及第以太子太師致仕贈司空兼侍中謚文惠善古隸八分為方丈字筆力端勁老猶不衰尤工詩號知餘子

宋史本傳

陳文惠公善八分書變古之法自成一家雖點畫肥重筆力勁健能為文字謂之堆墨八分凡天下名山勝處碑刻題榜多公親迹世或效之而莫能及也

皇朝事實

類苑

陳文惠喜堆墨書遊長安佛寺題名從者誤側硯汙鞋
公性急遂室筆於其鼻客笑失聲

劉攽貢父詩話

陳堯叟

陳堯叟字唐夫

堯佐兄

解褐光祿寺丞大中祥符初東封

以堯叟善草隸詔寫途中御製歌詩刻石五年以戶部

尚書檢校太傅同平章事充樞密使贈侍中謚文忠

宋

史本傳

陳堯咨

陳堯咨字嘉謨

堯佐弟

舉進士第一授將作監丞累遷武

信軍節度使贈太尉謚康肅工隸書

宋史本傳

魯宗道

魯宗道字貫之亳州譙人舉進士天禧元年為右正言

真宗書殿壁曰魯直仁宗即位拜右諫議大夫參知政

事贈兵部尚書謚簡肅

宋史本傳

劉克莊跋魯簡肅帖云魯公以彊諫直節名而詩律筆

法精妙如此世所未知也

後村集

宋湜

宋湜字持正京兆長安人太平興國五年進士咸平中
官樞密副使謚忠定好學美文詞筆法適媚書帖之出
人多傳倣

宋史本傳

晁迥

晁迥字明遠澶州清豐人徙家彭門舉進士為大理評
事真宗即位擢右正言直史館進翰林學士拜工部尚

書仁宗即位以太子少保致仕謚文元

宋史本傳

晁文元書法楷正為時推重

書史會要

蔣堂

蔣堂字希魯

鶴山集云
自號遂翁

常州宜興人擢進士為楚州團

練推官滿歲吏部引對真宗覽所試判善之特授大理

寺丞累遷樞密直學士慶歷初徙河中府又徙杭州蘇

州以尚書禮部侍郎致仕

宋史本傳

魏了翁跋蔣希魯密學帖云筆畫勁直有法

鶴山集

查道

查道字湛然歙州休寧人未冠以詞業稱端拱初舉進士高第至道三年遷秘書丞大中祥符三年為龍圖閣

待制

宋史本傳

查道善隸篆

墨池編

道始習篆患其體勢弱有教以撥鐙法仍雙鉤用筆經半年始習熟而篆體勁直

書史會要

薛映

薛映字景陽家於蜀進士及第太宗召對為江南轉運使知制誥真宗時拜工部尚書兼御史中丞仁宗時遷禮部謚文恭善筆札章奏尺牘下筆立成

宋史本傳

李行簡

李行簡字易從同州馮翊人家貧立志於學寒暑不易聚木葉學書筆法遒勁中進士第起家隴州司理參軍累遷監察御史真宗知之擢龍圖閣待制拜右諫議大夫集賢院學士乾興初改給事中

宋史本傳

王嗣宗

王嗣宗字希阮汾州人開寶八年登進士甲科補秦州司寇參軍太宗征河東召赴行在為職方郎中真宗時樞密副使為感德軍節度使檢校太尉謚景莊嗣宗好為文而札尤甚

宋史本傳

王嗣宗工習草書

書史會要

陳靖

陳靖字道卿興化軍莆田人好學頗通古今授陽翟縣

主簿遣從子上書求入奏機略太宗異之為御史臺推
勘官真宗即位徙河南轉運使累遷太常少卿集賢院
學士拜左諫議大夫以秘書監致仕

宋史本傳

陳靖工筆札其蹟雜見鳳墅續法帖中

書史會要

周起

周起字萬卿淄州鄒平人舉進士授將作監丞真宗時
累拜禮部侍郎樞密副使謚安惠家藏書至萬餘卷能

書

宋史本傳

起與其弟越皆以能書為世所稱每書輒為人取去

臨

川集

周越

周越字子發起弟亦能書集古今人書并所更體法為書苑十卷累官主客郎中

宋史本傳

周越草書精熟博學有法度而真行不及如俊士半酣容儀縱肆雖未可以語妙於能則優矣當天聖慶歷間以書顯學者翕然宗尚之然終未有克成其業者也嘗

撰書苑屢求之不能致無以質疑云

墨池編

越書近世不甚貴重然於衆人中猶屹屹有立庸可輕

哉孔武仲清江集

周子發下筆沈著是古人法若是筆意姿媚似蘇子瞻
便覺行間茂密去古人不遠矣何止獨行於今代邪

山

谷集

周延雋

周延雋

字仲章

起子官太常少卿

宋史本傳

延雋落筆有古法真行草隸俱入能品能以翰墨世其

家

桑世昌蘭亭博議

石延年

石延年字曼卿先世幽州人家於宋城為文勁健於詩最工而善書累舉進士不中真宗錄二舉進士以為三班奉職不得已就命歷光祿大理寺丞遷太子中允

宋

史本傳

石曼卿工書筆畫道勁體無顏柳余家得南唐澄心堂

紙曼卿為余書籌筆驛詩詩曼卿所自愛號為三絕 歐

陽修六一詩話

曼卿之筆顏筋柳骨散落人間寶為神物

范文正公集

曼卿大字愈大愈奇

東坡集

曼卿正書入妙品尤喜題壁不擇紙筆自然雄逸嘗艤舟於泗州之龜山寺僧請題壁乃劇醉卷氈而書一揮而成使善書者雖累旬月構思以為之亦不能及也 墨

池編

錢熙

錢熙字太雅泉州南安人雍熙初登甲科試中書遷殿中丞真宗即位遷右司諫好學善談笑精筆札

宋史本傳

梁鼎

梁鼎字凝正益州華陽人太平興國八年進士甲科端拱初遷殿中丞通判歙州景德初知三班院判西京留司御史臺好學工篆籀八分

宋史本傳

趙德鈞

趙德鈞字子正秦王廷美第五子性和雅善書翰好為篇什淳化初拜右武衛將軍景德二年拜右監門衛大將軍追封安鄉侯

宋史本傳

趙惟和

趙惟和太祖孫燕王德昭子雅好學為詩頗清麗工筆札優游典籍嘗和御製詩上稱其有理致上謂宰相王旦等曰惟和好文力學加之謹愿皇族之秀也錄其藁

二十二軸上親製序藏於秘閣

宋史本傳

种放

种放字明逸河南洛陽人隱終南豹林谷之東明峰種
秫自釀號雲溪醉侯多為歌詩自稱退士咸平四年召
對崇政殿授左司諫直昭文館大中祥符四年拜工部

侍郎

宋史本傳

黃庭堅跋种大諫墨蹟云种明逸天下高士郭有道之
流輩也使其翰墨無以過人得其遺蹟猶可想其風度

況筆精墨妙邪

山谷集

种放書迹有晋人風氣

書史會要

林逋

林逋字君復杭州錢塘人結廬西湖之孤山真宗賜粟帛既卒仁宗賜謚和靖先生逋善行書喜為詞多奇句

宋史本傳

逋善行草書喜為詩其語孤峭澄澹而未嘗自錄其藁或謂曰先生何不錄所著詩以傳於後逋曰吾終志山

林尚不欲取名於時況後世乎系世昌和靖先生傳

處士林逋工筆畫善為詩歸田錄

林和靖筆意殊類李西臺而清勁處尤妙山谷集

林君復書法高勝絕人予見之方病不藥而愈方飢不

食而飽渭南集

林逋作徑寸行書字方勁而氣清都穆寓意編

曹汝弼

曹汝弼字夢得休寧人以經術德義高蹈州里攻篇什

篆隸與林逋魏野交自號松羅山人

汪尚寧徽州志

彭太素

彭太素行書等覺院記刻於真宗改元之歲當是時四家之書未行故猶有唐人行狎之勢

盛時泰玄牘記

趙宗萬

趙宗萬字仲困山陰人築室於照水坊畜一鶴號丹砂引以為侶足跡不及高門祥符中詔舉遺逸郡守薦之尋被召乃曰吾老矣不足以任事因獻跛鼈傳以自見

且請自託於道家者流朝廷不奪其志即其家賜以羽服善八分草隸書

孫鑛等紹興志

張維

張維字公言蜀人為沙門後反初尤善王書絕得懷素之骨世鮮能及之王嗣宗曾薦於今上召試御書院維自負其能少肯降下入院內環視諸人所書不覺微哂衆怒非排之止得隸祕閣為楷書不就景德末扈駕還陵還經鄭州從幸開元寺觀新塔僧前揖言聞公深信

內典願為之碑因諾之後為撰碑維為真書一時之絕也維貧薄甚後寄死人家

皇朝事實類苑

郭咸

郭咸字建泉晉江人嗜學工文尤精草書篆隸登祥符二年進士累遷殿中侍御史改乾州觀察判官未幾復除殿院出為閩憲

于光大泉州志

朱嚴

朱嚴文學餘力尤工篆隸

小畜集

沈文旭

沈文旭大中祥符間為太子右贊善大夫善大字

書史

會要

劉太初

劉太初

真宗時人

中嶽醮告文真宗御製翰林待詔朝奉郎

行少府監主簿賜緋臣劉太初奉勅書并篆額刻於石

幢八面在中嶽廟峻極門外其書有唐人風致

嵩陽石

刻記

鄭世卿

鄭世卿

真宗時人

霍山中鎮廟宋陳綱詩大中祥符五年岢

嵐軍判官鄭世卿書

求古錄

白憲

白憲

真宗時人

中嶽中天崇聖帝碑銘大中祥符七年王魯

奉勅撰翰林待詔朝奉大夫守太府少卿同正輕車都

尉白憲奉勅書并篆額

嵩陽石刻記

吳郢

吳郢

真宗時人

大相國寺碑銘咸平四年宋白撰吳郢書并

篆額

并州山人藁

楊昭度

楊昭度

真宗時人

淮瀆碑記大中祥符七年路振撰楊昭度

書并篆額

并州山人藁

盧經

盧經

真宗時人

宋勸慎刑碑晁迥撰盧經書

天下金石志

杜衍

杜衍字世昌越州山陰人擢進士甲科仁宗時官集賢
殿大學士太子太傅封祁國公善為詩正書行草皆有
法謚正獻

宋史本傳

正獻公晚乃學草書遂為一代之絕清閒妙麗得晉人

風氣

東坡集

杜公以草書名家而其楷法清勁亦自可愛

朱子文集

祁公暮年以草書為得意喜與堦蘇舜欽論書年位雖
重而尺牘必親作韓琦嘗以詩謝其書云因書乞得字

數幅伯英筋骨義之膚

宣和書譜

晏殊

晏殊字同叔撫州臨川人七歲能屬文景德初張知白
安撫江南以神童薦之帝召殊與進士千餘人並試廷
中殊神氣不懾援筆立成帝嘉賞賜同進士出身為翰
林學士慶歷中拜集賢殿大學士同平章事謚元獻文
章瞻麗詩閑雅有情思

宋史本傳

元獻為人真率詞翰亦如其性

歐陽文忠公集

元獻擅豪翰其蹟雜見羣玉堂法帖中

書史會要

宋綬

宋綬字公垂趙州平棘人年十五召試中書真宗愛其
文聽於秘閣讀書大中祥符元年賜同進士出身仁宗
時為兵部尚書參知政事謚宣獻綬筆札精妙帝多取
其書字藏禁中

宋史本傳

公垂特工筆法本朝以來言書者稱李西臺與公垂云

墨池編

宋宣獻用徐季海擺落右軍父子規模自成一家

山谷

集

宋常山公書法森嚴寔傳鍾張古學

渭南集

天聖五年十一月上親篆慈孝寺碑額夏竦撰文宋綬

書

玉海

宋宣獻公作參政傾朝學之號曰朝體

米芾書史

韓琦

韓琦字稚圭相州安陽人風骨秀異弱冠舉進士授將

作監丞仁宗時與范仲淹富弼皆以天下人望同時登

用拜樞密使同中書門下平章事昭文館大學士封儀

國公進封衛國公

一作魏國公

謚忠獻贈魏郡王

宋史本傳

忠獻公少年貧時學書無紙莊門前有大石就其上學
字晚即滌去遇烈日及小雨張敝繖自蔽率以為常

韓

元吉相陰舊話

韓魏公書骨力壯偉

墨池編

韓魏公工正書師顏魯公頗露圭角

書史會要

魏公書法顏平原時露柳骨鋒距四出令人不敢正視
弇州山人藁

范仲淹

范仲淹字希文蘇州吳縣人舉進士第天聖中通判陳
州仁宗召為右司諫拜天章閣待制樞密直學士參知
政事謚文正

宋史本傳

范文正公書落筆痛快沈著極近晉宋人書蘇才翁筆
法妙天下惟稱文正公書與樂毅論同法蓋文正鉤指

田腕皆優入古人法度書伯夷頌極得前人筆意

山谷

集

富弼

富弼字彥國河南人少篤學有大度范仲淹奇之曰王佐才也仁宗復制科舉茂才異等慶歷二年為知制誥拜樞密副使至和二年同中書門下平章事拜司空封

韓國公謚文忠

宋史本傳

弼擅豪翰其蹟雜見羣玉堂法帖中

書史會要

王曾

王曾字孝先青州益都人咸平中由鄉貢試禮部廷對
皆第一楊億見其賦歎曰王佐器也通判濟州召試學
士院授秘書省著作郎景德初知制誥遷尚書禮部侍
郎參知政事仁宗景祐中拜右僕射門下侍郎平章事
集賢殿大學士封沂國公謚文正

宋史本傳

沂公書畫皆合格

書史會要

呂夷簡

呂夷簡字坦夫壽州人進士及第補絳州軍事推官祥符中試才識兼茂明於體用科仁宗即位進右諫議大夫同中書門下平章事尚書右僕射封中國公徙許國

公謚文靖

宋史本傳

夷簡工筆札其蹟見鳳墅法帖中

書史會要

文彥博

文彥博字寬夫汾州介休人及進士第為侍御史仁宗嘉之拜樞密副使同中書門下平章事封潞國公元祐

初平章軍國重事年九十二謚忠烈逮事四朝任將相

五十年

宋史本傳

黃庭堅曰余嘗謂潞公云公書極似蘇靈芝公曰靈芝墨豬耳蓋不肯與靈芝爭長今觀到洛為兒子赴許昌帖筆勢清勁真不愧古人

山谷集

潞公翰墨飛動使人望而畏之

攻媿集

文潞公書風格英爽

墨池編

王舉正

王舉正字伯仲

歐陽修集
作伯中

鎮定人以蔭補秘書省校書

郎進士及第知伊闕任丘縣館閣校勘皇祐中除觀文
殿學士禮部尚書知河南府入兼翰林侍讀學士以太
子少傅致仕贈太子太保謚安簡

宋史本傳

觀文學士尚書王公伯中清德之老也以書名當世

歐

陽文忠公集

龐籍

龐籍字醇之單州武城人及進士第為黃州司理參軍

景祐三年為侍御史累進中書門下平章事昭文館大學士封潁國公謚莊敏

宋史本傳

籍工筆札其蹟雜見鳳墅續法帖中

書史會要

楊畋

楊畋字樂道進士及第授秘書省校書郎慶歷三年擢殿中丞仁宗賜對除起居舍人知諫院嘉祐三年進龍

圖閣直學士

宋史本傳

楊畋勤隸學

墨池編

陳執中

陳執中字昭譽以父恕任知梧州上復古要道三篇真宗異而召之擢右正言仁宗時參知政事同中書門下平章事封岐國公謚曰恭帝篆其墓碑曰褒忠之碑

宋

史本傳

范文正公伯夷頌跋有陳執中書

鐵網珊瑚

華岳宋陳執中題名在碑陰韓賞文之下

金石文字記

薛奎

薛奎字宿藝絳州正平人舉進士仁宗時為龍圖閣學

士參知政事遷尚書禮部侍郎謚簡肅

宋史本傳

薛簡肅公詩并書偶得於家人篋中因標軸而藏之

歐

陽文忠公集

賈昌朝

賈昌朝字子明真定獲鹿人真宗祈穀南郊昌朝獻頌

道左召試賜同進士出身慶歷中同中書門下平章

封魏國公謚文元

宋史本傳

范文正公伯夷頌跋有賈昌朝書

鐵網珊瑚

歐陽脩

歐陽脩字永叔廬陵人四歲而孤母鄭誨之學家貧至以荻畫地學書舉進士試南宮第一慶歷三年知諫院嘉祐二年知貢舉修唐書成拜禮部侍郎六年參知政事神宗即位改宣徽南院使太子少師致仕謚文忠始號醉翁晚號六一居士好古嗜學凡周漢以降金石遺文斷編殘簡掇拾異同謂之集古錄

宋史本傳

歐陽文忠公用尖筆乾墨作方濶字神采秀發膏潤無窮後人觀之如見其清眸豐頰進趨曄如也

東坡集

歐陽公書筆勢險勁字體新麗自成一家

同上

歐陽文忠書不極工然喜論古今書故晚年亦少進

山谷集

歐陽公作字如其為人外若優游中寔剛勁

朱子文集

嘉祐八年奉勅篆受命寶治平三年奉勅篆皇帝尊號

之寶

薛齊祖六一居士年譜

宋孫明復墓碑歐陽修書

天下金石志

包拯

包拯字希仁廬州合肥人舉進士仁宗時歷官天章閣

待制龍圖閣直學士知開封府拜樞密副使謚孝肅

宋

史本傳

包孝肅擅豪翰其蹟雜見羣玉堂法帖中

書史會要

宋庠

宋庠字公序安州安陸人後徙開封之雍丘天聖初舉

進士第一初名郊皇祐中同中書門下平章事封莒國

公英宗即位封鄭國公謚元獻

宋史本傳

宋丞相庠晚年尤精字學嘗手授郭忠恕佩觿三篇寶

翫之

歸田錄

周必大跋宋元獻公表藁云元獻公辭理精粹真行粲

然

平園集

宋祁

宋祁字子京與兄庠同舉進士人呼二宋以大小別之

釋褐復州軍事判官景祐中為侍讀學士兼龍圖閣學士史館修撰修唐書成進工部尚書拜翰林學士承旨

謚景文

宋史本傳

宋景文公自名其書鐵綫

東坡集

晁以道家有宋子京手書杜少陵詩一卷

周少隱竹坡

詩話

宋景文工筆札其蹟雜見鳳野續法帖中

書史會要

葉清臣

葉清臣字道卿蘇州長洲人天聖二年舉進士授太常寺奉禮郎累遷太常丞進直史館擢為起居舍人龍圖閣學士皇祐元年為侍讀學士知河陽贈左諫議大夫

宋史本傳

卞忠烈墓前華表宋龍圖閣學士葉清臣書

金陵瑣事

淨土禪寺石刻蓮花經葉清臣書

廖瑜杭州府志碑碣

目

王隨

王隨字子正河陽人明道中參知政事性喜佛慕唐裴
休之為人仍學其書

王偁東都事略

胡宿

胡宿字武平常州晉陵人登第為揚子尉進集賢校理
皇祐中遷翰林學士拜樞密副使謚文恭

宋史本傳

宿工筆札其蹟雜見鳳墅續法帖中

書史會要

張觀

張觀字思正絳州絳縣人中服勤辭學科授秘書省校

書郎仁宗即位直史館知制誥同知樞密院事康定中觀文殿學士拜左丞謚文孝平生書必為楷字無一行草如其為人仁宗飛白書清字賜觀以賞其節

宋史本

傳

張觀平生未嘗草書因為詩曰保心如止水為行見真書

東都事畧

劉居正

劉居正字安行樂壽人中天聖二年丙科官秘書丞好

學敏文詞書模範二王後無採唐人用筆法有得其行
草帖者至今猶藏弃以比李西臺建中

蘇魏公集

王礪

王礪其先太原祁人遷應天宋城洙之父也贈太師中
書令無尚書令

歐陽文忠公集

王洙曰先公素不習隸書初但微作八分皇祐中受詔
書獻穆公主碑李氏求以古隸寫於是始作隸書既出
人競愛宋丞相曰近世人家桓楹之刻所未及也君謨

亦云君隸字乃得漢世舊法僕所作但唐隸耳公受詔與君謨分寫邇英閣二圖公書無逸篇君謨真字書孝經既成上作飛白二軸荅之後又受詔分寫集禧觀諸殿榜公書奉福虛福殿二榜君模書神藻殿二榜公亦習古文小篆今上景祐徽號玉冊宣獻宋公受詔寫宋公不習篆公代書也公所書石隸字則獻穆大長公主碑曹襄悼碑范文正碑晏元獻碑伊先生隔山菴記正字則張少監墓誌濠州四望亭詩莊生臺詩宋宣獻詩

書額濠州四望亭南京御史臺讀易堂襄州峴山亭臨
芳亭華嚴寺羊太傅廟西京教忠積慶寺東都李氏閒
燕堂來驚堂連亭秣笱亭劉氏芸華堂

王氏談錄

王洙

王洙字原叔應天宋城人中甲科累擢翰林學士以兄
子堯臣參知政事改侍讀學士兼侍講學士汎覽傳記
至圖緯方技陰陽五行算數音律詁訓篆隸之學無所
不通謚曰文

宋史本傳

王洙晚喜隸書尤得古法當時學者翕然宗尚而隸法

復興

墨池編

楊安國請書無逸篇於邇英閣後屏帝命蔡襄書無逸

王洙書孝經四章列置左右

宋史楊安國傳

原叔博學通篆隸書

書史會要

王堯臣

王堯臣字伯庸舉進士第一累官參知政事吏部侍郎

謚文安以文學進典內外制十餘年為文詞溫麗

宋史

本傳

蘇耆家蘭亭跋有王堯臣書

米芾書史

石介

石介字守道兗州奉符人進士及第歷鄆州南京推官耕徂徠山下號徂徠先生入為國子監直講擢太子中

允直集賢院

宋史本傳

徂徠擅豪翰其蹟雜見羣玉堂法帖中

書史會要

胡瑗

胡瑗字翼之泰州海陵人教授湖州嘉祐初擢太子中

允天章閣侍講

宋史本傳

睢陽五老圖後有胡瑗書

鐵網珊瑚

邵餽

邵餽丹陽人

馬廐丹陽新志云王琪守潤薦於朝賜號冲素處士

以篆顯於天聖

間范文正公作嚴子陵釣臺記請之書曰先生篆高出

四海或能枉神筆於片石則嚴子陵之風復千百年未

泯餽為之篆至今為奇觀

墨池編

邵必

邵必字不疑丹陽人

墨池編云
饒之族

舉進士為上元主簿國

子監立石經必善篆隸召充直講修起居注編仁宗御

集加龍圖閣學士

宋史本傳

唐異

書史會要誤
作唐異其

唐異字子正隱士善書范文正嘗稱其與西臺相左右

墨池編

胡恢

胡恢金陵人華州推官嘗篆太學石經

咸光南唐書注

恢善篆隸坐法失官十餘年韓魏公琦當國恢獻詩自

達公憐之令篆石經因得復官

書史會要

茅山五雲觀記晏殊撰慶歷二年雷平胡恢書丹

劉大

彬茅山志

邵雍

邵雍字堯夫河南人衍安義先天之旨著書十餘萬言
名其居曰安樂窩因自號安樂先生嘉祐詔求遺逸授

將作監主簿復舉逸士補潁州團練推官皆固辭乃受
命竟稱疾不之官贈秘書省著作郎元祐中賜謚康節
宋史本傳

康節少日喜作大字

邵氏見聞錄

朱子跋邵康節檢束二大字云康節先生自言大筆快
意而其書跡謹嚴如此豈從心所欲不踰矩者邪

朱子

文集

康節先生心聲正大可以銘盤心畫道勁可以貫準

平

國集

康節工筆札其蹟雜見鳳墅續法帖中

書史會要

蘇舜欽

蘇舜欽字子美

一字倩仲米芾書史云余收唐摹子敬帖後有倩仲跋黃庭堅題云尾題倩仲

美定子

易簡孫者子以父任補太廟齋郎調滎陽縣尉尋

舉進士改光祿寺主簿知長垣縣遷大理評事范仲淹薦其才召試為集賢校理既放廢寓於吳中二年得湖州長史卒舜欽在蘇州作滄浪亭益讀書時發憤滿於

歌詩其體豪放善草書每酣酒落筆爭為人所傳

宋史

本傳

舜欽工行楷草書皆入妙品

墨池編

子美許公之孫自有家法草聖可亞張長史

洞天清錄

本朝草聖知名者蘇舜元舜元之書不逮舜欽

張舜民

畫漫錄

二蘓皆工草隸而舜欽先得名

王氏談錄

子美喜行草書短章醉墨為人所傳

歐陽文忠公集

子美於蜀綾紙上楷寫字極端勁可愛

蘇舜元

蘇舜元字才翁

舜欽凡一字叔才黃庭堅跋二蘇送梁子熙聯句詩云叔才蓋才翁舊字為

人精悍任氣節歌詩亦豪健尤善草書舜欽不能及官

至尚書度支員外郎三司度支判官

宋史本傳

才翁善草隸藏書數千卷皆手自讎校

蔡襄忠惠公集

舜元善篆隸

宣和書譜

才翁書字清勁老健實過子美

張耒明道雜志

二蘇草聖獨步本朝裕陵絕重才翁書得子美書輒棄
去書家謂才翁筆簡惟簡故妙

後村集

陸經

陸經字子履越人官集賢殿修撰善真行書當時與蘇
舜欽為輩流而筆法亦同前輩高文必求經書經之石
刻殆遍天下歐陽脩思穎諸詩得經書方喜多作正書
以規矩自窘

宣和書譜

錢明逸

錢明逸字子飛易子繇殿中丞策制科轉太常博士累

官端明殿學士謚修懿

宋史本傳

錢子飛作字猶有父風

攻媿集

江休復

江休復字隣幾開封陳留人進士起家舉書判拔萃累

遷尚書刑部郎中善隸書

東都事畧

梅堯臣

梅堯臣字聖俞宣州宣城人蔭為河南主簿召試賜進

士出身為國子監直講累遷尚書都官員外郎

宋史本

傳

海州柳陳甫四賢尺牘一卷司馬君實梅聖俞王介甫

王晉卿蹟並佳

寓意編

蘇洵

蘇洵字明允眉州眉山人至和嘉祐間與二子軾轍至

京師除秘書省校書郎為霸州文安縣主簿

宋史本傳

老泉工書法氣韻有餘蜀人不能書元祐間軾以字畫

名世其定濫觴於洵

書史會要

老泉書懷素詩并倣其草法

珊瑚網

雷簡夫

雷簡夫字太簡同州郃陽人康定中杜衍薦之以校書郎簽書秦州觀察判官張方平薦知雅州累遷尚書職

方員外郎

宋史本傳

簡夫善直行書守雅州聞江聲以悟筆法迹甚峻快蜀

中珍之

墨池編

簡夫少年時學王右軍樂毅論鍾東亭賀平賊表歐陽
率更醴泉銘褚河南聖教序魏庶子郭知運碑顏太師
家廟碑後又見顏行書馬病帖乞米帖苦愛重之但自
恨未及其自然近刺雅安晝卧郡閣因聞平羌江瀑漲
聲想其波濤番番迅駛掀擻高下感遂奔去之狀無物
可寄其情遽起作書則中心之想出筆下矣

書史會要

唐詢

唐詢字彥猷

墨池編
作彥游

杭州錢塘人龍圖閣待制肅子天

聖中賜進士及第累遷右諫議大夫

宋史本傳

唐彥猷得歐陽率更書數行精思學之遂以書名天下

山谷集

唐彥猷筆迹道媚頗學歐行書非精紙佳筆不妄書也

墨池編

唐詔

唐詔字彥範詢弟文章氣格高簡疏秀亦善書

書史

會要

陳漢卿

陳漢卿字師黯閬中人用叔祖堯咨蔭累遷尚書虞部員外郎好學喜為歌詩至於射藝書法醫藥皆精妙尤好古書奇畫每傾貲購之

歐陽文忠公集

張先

張先字子野開封人好學自力善筆札天聖二年舉進

士歷官秘書丞

歐陽文忠公集

刁約

刁約字景純丹徒人少卓越刻苦學問能文章始應舉
京師與歐陽永叔富彥國聲譽相高下天聖二年登進
士第不治產業賓客故人常滿其門

東坡詩注

刁景純善書

元豐類藁

張汝士

張汝士字堯夫開封襄邑人錢文僖公守河南辟為府
推官又辟司錄工書喜為詩

歐陽文忠公集

王顧

王顧太原人歐陽脩河南府司錄張堯夫墓表云堯夫
明道二年卒葬洛陽北邙山下尹師魯誌其墓歐陽修
為之銘得金谷古磚命太原王顧以丹為隸書納於壙

中歐陽文忠公集

薛良孺

薛良孺字得之絳州正平人少育於叔父簡肅公奎蔭
為將作監主簿累遷國子博士工書歐陽文忠公集

章友直

章友直

宣和書譜
云字伯益

建安人自放不羈不肯求選舉皇祐

中近臣言友直善篆與李斯陽冰相上下召友直友直

即往經成除試將作監主簿不就

臨川集

章友直工玉箸字學與楊南仲篆石經於國子監太常

少卿元居中出領宿州喜其書摹諸石以廣其傳友直

既以書名世家人女子莫不知筆法自李斯篆法亡而

得一陽冰陽冰後得一徐鉉友直在鉉之門其猶游夏

歟

宣和書譜

楊南仲

楊南仲工篆書嘉祐中與章友直篆石經於國子監甚

有法度

書史會要

張次立

張次立官至殿中丞嘉祐中詔同篆國子石經

書史會

要

元居中

元居中為太常少卿知宿州東吳多其篆迹

墨池編

范文度

范文度能書蔡君謨稱之

書史會要

歐陽脩跋范文度模本蘭亭序云范君所書在余集錄

實為難得也

集古錄

范文度所書蘭亭不相類然舍其形似而得右軍用筆之意真善學柳下惠者

尤袤遂初集

趙世融

趙世融字仲源官至檢校國子祭酒天水郡開國侯喜

為詩工書至和二年卒追封博平侯

歐陽文忠公集

司馬尋

司馬尋慶歷中知利州其迹亦倣子發

墨池編

司馬尋善倣越書觀者不復別真贋

宣和書譜

高繼宣

高繼宣字舜舉燕人幼善騎射頗工筆札知讀書以恩

補西頭供奉官累遷眉州防禦使

宋史本傳

凌叔華

凌叔華郎中博雅君子也蔡君謨吳春卿皆師之素稱翰墨之妙

湘山野錄

黃茂先

黃茂先字寶之作宮郎教官大字豪勁所謂江南黃茂先江北段少連者也

山谷集

段少連

段少連字希逸開封人試秘書省校書郎累遷龍圖閣

直學士

宋史本傳

段少連善大字

山谷集

杜叔元

杜叔元字君懿善書學李建中法為宣州通判

東坡集

梅堯臣送杜君懿通判宣州詩云京兆外郎稱善書當

時相與集江都日書藤紙爭持去長鉤細畫如珊瑚

宛

陵集

董儲

董儲

張表臣珊瑚鉤詩話作董如

郎中密州安丘人能詩有名寶元

慶歷間其書尤工勝李西臺

東坡集

張伯玉

張伯玉字公達豪放嗜酒而為御史有直氣為劇郡能擊強染翰雖少媚態而老重不拘窘亦可尚已

墨池編

慎東美

慎東美字伯筠錢塘人狂縱不就規矩有文辨書得筆法不偶俗好而老逸如其為人人甚高之

墨池編

王令贈東美詩云人傳書染莫對當破卵驚出鸞鳳翔

間或老筆不肯屈鐵索縛急蛟龍僵

廣陵集

慎東美書法老勁丹陽戴叔倫碑是其遺蹟

陸游老學

卷筆記

李唐卿

李唐卿至和中書待詔撰飛白三百點以進窮盡物象

上佳之

歐陽脩歸田錄

李唐卿篆千字文特奇巧圓方不失而飛揚自如一時

絕藝也

晁補之雞肋集

黃公孝

黃公孝仁宗朝官至太常博士有詩名書師王右軍

書

史會要

仲翼

仲翼仁宗時工草隸

陶宗儀云官太府寺丞工飛白草書

頗有時譽

墨池

編

孟應之

孟應之官御書院祇候天聖三年奉旨書太后受上清

錄記并篆額今在茅山

書史會要

趙克繼

趙克繼秦王廷美之曾孫善楷書尤工篆隸宗正薦之
仁宗親臨試及令臨蔡邕古文法寫論語詩書復詔與
朝士分隸石經帝曰李陽冰唐室之秀今克繼朕之陽
冰也訓子弟力學一門登儒科者十有二人嘗進所集
廣韻字源帝稱善藏之祕閣元祐六年以定武軍節度
觀察留後贈建國公謚章靖

宋史本傳

趙克己

趙克己秦王廷美之曾孫曉音律嘗作雅樂圖樂曲以獻侍宴太清樓進所學虞世南書賜器加等終右千牛

衛大將軍

宋史本傳

趙叔韶

趙叔韶字君和克己子慶歷六年與諸宗子帝前臨真宗御書選第一皇祐初召試學士院中等賜進士及第仁宗曰宗子好學者頗多獨爾以文章第進士前此蓋

未有也出九經賜之終和州防禦使

宋史本傳

趙克修

趙克修字子莊仁宗御太清樓召宗室試書以克修為

善終成州團練使

宋史本傳

趙宗望

趙宗望字子國恭憲王孫越文惠王無子仁宗以宗望為之後終右武衛大將軍舒州防禦使贈高密郡公仁宗嘗御延和殿試宗子書以宗望為第一又嘗獻所為

文賜國子監書及以塗金紋羅御書好學樂善四字賜之即所居建御書閣帝為題其榜

宋史本傳

李端懿

李端懿字元伯開封人駙馬都尉和文公遵勗子母齊國大長公主太宗之女真宗之妹喜為詩工書畫陰陽醫術星經地理無所不通七歲為如京副使累拜鎮潼軍節度觀察留後

歐陽文忠公集

李瑋

李瑋

米芾書史云字公炤錢塘人

隴西郡王用和子選尚充國公主

宋史公主傳

云仁宗女

積官濮州團練使至建武軍節度使檢校

太師

宋史本傳

李公炤善章草飛白散隸

書史會要

顏褒

顏褒自號唯菴邃於經學詞藻豐贍書法尤精

邵銳永

春志

于正封

于正封善正書酷類顏真卿所書碑字勢雄拔如蛟螭
虎豹盤拏後先精神為之飛動

宋濂浦陽人物志

徐易

徐易海州人能篆隸

書史會要

張中樂

張中樂

仁宗時人

梅堯臣觀張中樂書大字詩云芝旭馳名

世有孫大書如曉過秋原

宛陵集

錢貽範

錢貽範

仁宗時人

重修北嶽廟碑皇祐二年韓琦篆并正書

錢貽範篆額

弇州山人藁

蔡仍

蔡仍

仁宗時人

茅山上清大洞國師碑天聖七年雲陽南郭

陳輔造七閩西山蔡仍書并題額

茅山志

許歸

許歸

仁宗時人

陳亮金華北山普濟院記云吳越王建寺於

巖麓曰九龍慶歷六年郡守闕公命河南許歸以氈筆

書紫微巖三巨字鏡之石

龍川集

雷憲

雷憲

仁宗時人

宋馬端司馬晉州待制哀辭嘉祐元年著作

佐郎管勾河東路機宜文字雷憲書小石刻在夏縣司

馬公祠堂西館中

求古錄

黃通

黃通

仁宗時人

嵩陽石柱題名嘉祐己亥黃通介夫書


嵩陽

石刻記

夏竦

夏竦字子喬江州德安人明敏好學自經史百家陰陽律歷外至佛老之書無不通曉為文章典雅藻麗舉賢良方正擢光祿寺丞累官平章事謚文莊竦以文學起家多識古文學奇字至夜以指畫膚

宋史本傳



御定佩文齋書畫譜卷三十二